



REPUBLIKA E SHQIPËRISË
MINISTRIA E ARSIMIT DHE SPORTIT

SHTOJCA 1

**UDHËZUES MBI THIRRJEN PËR PROJEKT PROPOZIM NË FUSHËN E SPORTIT,
PËR VITIN 2023**

Ministria e Arsimit dhe Sportit, në respektim të nenit 13, të Ligjit Nr. 79/2017 “Për sportin” të ndryshuar dhe pikës 4 të Udhëzimit të Përbashkët Nr. 4, datë 25.02.2022 “Për mënyrën e përdorimit të fondit “Grand/transfertë korrente e brendshme”, për federatat sportitve olimpike, Komitetin Olimpik Kombëtar Shqiptar dhe Organizatën Kombëtare Anti-doping”, hap thirrjen për aplikime për projekte në fushën e sportit, duke mbështetur propozime të paraqitura nga Federata sportive jo-olimpike, të regjistruara në territorin e Republikës së Shqipërisë, të cilat kanë në objekt të veprimtarisë së tyre promovimin e sportit masiv dhe elitar, promovimin e sportit për personat me aftësi të kufizuara, edukimin nëpërmjet sportit dhe promovimin e sportit shqiptar në arenën ndërkombëtare.

Thirrja do të qëndrojë e hapur deri më datë **24.02.2023**

Projekt-propozimet e paraqitura duhet të realizohen brenda vitit buxhetor, që do të thotë se veprimtaritë e propozuara në kuadër të projektit duhet të zhvillohen brenda **vitit 2023**.

PRITORITET E THIRRJES JANË SI MË POSHTË:

- Promovimi i sportit shkollor;
- Promovimi i sportit universitar;
- Promovimi i sportit për personat me aftësi të kufizuara;
- Promovimi i sportit për të gjithë;
- Promovimi i sportit për gjithë përfshirje;
- Promovimi i veprimtarive në kuadër të marrëveshjeve midis federatave sportive dhe Ministrisë përgjegjëse për sportin, për masivizimin e sportit.
- Promovimi i arritjeve sportive shqiptare në arenën ndërkombëtare.

Fondet për financimin e projekteve do të jenë nga buxheti i shtetit në formë transferte.

**TIPOLOGJIA/LLOJET E VEPRIMTARIVE TË PRASHIKUARA NË KUADËR TË
PROJEKT PROPOZIMEVE**

Të gjitha veprimtaritë, të cilat kanë në fokus sportin dhe synojnë arritjen e prioritetëve të parashikuara mund të kualifikohen për financim ose bashkëfinancim.

VIZIBILITETI

Aplikantët duhet të ndërmarrin veprimet e nevojshme për të publikuar faktin që Ministria e Arsimit dhe Sportit, ka financuar ose bashkë-financuar projektin, si edhe do të përdorin në çdo moment logon e Ministrisë së Arsimit dhe Sportit, duke bashkëvepruar me drejtorinë përkatëse përpara çdo publikimi për ruajten e logos së Ministrisë, si edhe të përdorimit të formulës së mëposhtme në çdo rastë botimesh, kurdoherë që do të nevojitet: “Përmbajtja e këtij botimi është përgjegjësia e vetme e (emri i partnerit zbatues) dhe nuk pasqyrojnë domosdoshmërisht mendimin e Ministrisë së Arsimit dhe Sportit të Republikës së Shqipërisë”.

VËMENDJE:

- Një Federatë mund të paraqesë **më shumë se një projekt propozim** në një aplikim të vetëm, në këtë thirrje për propozime.
- Në rast se gjatë zbatimit të projektit, rezulton dhe vërtetohet se ka patur paraqitje të dokumentacionit të rremë, të secilës prej dokumenteve të kërkuara në këtë thirrje, Ministria e Arsimit dhe Sportit, do të kërkojë kthimin e plotë të shumës së disbursuar, dhe do ta dërgojë rastin për ndjekje penale.
- Aplikanti ka për detyrë të aplikojë objektivat dhe prioritetet dhe garancitë e vizibilitetit, në përputhje me kërkesat e paraqitura në këtë shtojcë.

DOKUMENTET E KËRKUARA PËR APLIKIM

Në respektim të parashikimit të pikës 3, të nenit 17, të Ligjit Nr. 79/2017 “Për sportin” të ndryshuar, Federatat aplikuese duhet të paraqesin dokumentacionin e mëposhtëm:

1. Përshkrim të veprimitarisë, të zhvilluar në përputhje me qëllimet dhe objektivat e përcaktuar në statutin e saj, si dhe referuar prioritetëve të thirrjes;
2. relacion narrativ mbi zhvillimin e Kampionatit Kombëtar dhe Kupës së Shqipërisë, për vitin 2022;
3. relacion narrativ dhe financiar mbi përdorimin e fondeve në projektet e financuara nga MAS për vitin 2022 (në rast se ka patur financime);
4. vendimet e asamblesë vjetore të federatës për vitin 2022;
5. vendimet e asamblesë zgjedhore, të zhvilluar në respektim ciklit olimpike.

Shoqëruar me:

6. Formularin e plotësuar të Projekt Propozimit (shtojca 2) – në formatin Word (Projekt propozimi i plotë, i shoqëruar me parashikimin e detajuar të buxhetit. Në rast se në aplikim paraqitet me shumë se një projekt ide, të paraqitet parashikimi i detajuar buxhetor për çdo projekt);
7. Statutin e federatës të miratuar nga Ministria e Arsimit dhe Sportit, (me ndryshimet e diktuar nga Neni 58 “Ndryshimi i statuteve të organizatave sportive” të Ligji Nr. 79/2017 “Për sportin”, ndryshuar me Ligjin Nr. 105/2020, në rast se është diktuar nevoja për përputhshmëri ligjore të tij) shoqëruar me Vendimin e Gjykatës;

8. dokumenti i regjistrimit në organin tatimor (NIPT);
9. CV-të e anëtarëve të grupit të punës, përgjegjës për zbatimin e projektit;
10. konfirmim për bashkëfinancimin e projektit të propozuar (në se ka);
11. të dhënat e llogarisë bankare.

Shënim: *Mungesa e dokumentacionit të kërkuar më sipër, s'kualifikon automatikisht aplikantin nga procesi i trajtimit të aplikimit për financim/bashkëfinancim të projekteve të propozuara, për thirrjen e vitit 2023.*